



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmma Totivs Theologiæ S. Thomæ Aqvinatis, Doctoris Angelici Ordinis Prædicatorum

Secvndæ Secvndæ Partis Volumen Tertium

Thomas <von Aquin, Heiliger>

Romae, 1619

In quo consistat virginitas? 1

urn:nbn:de:hbz:466:1-38803

Utrum uirginitas consistat in integritate carnis?

732

Ad primum sic proceditur. Videtur, quod uirginitas non consistat in integritate carnis. Dicit enim August. in lib. de Nuptijs, & concupiscentia*, quod uirginitas est in carne corruptibili, incorruptionis perpetuæ meditatio. Sed meditatio non pertinet ad carnem. Ergo uirginitas non consistit in carne.

¶ 2. Præterea, Uirginitas pudicitiam quamdam importat. Sed August. dicit in 1. de ciuit. Dei*, quod pudicitia consistit in anima. Ergo uirginitas non consistit in carnis incorruptione.

¶ 3. Præterea, Carnis integritas videtur consistere in signaculo virginalis pudoris. Sed quandoque absque uirginitatis præiudicio frangitur illud signaculum. Dicit enim August. in 1. de ciuit. Dei*, quod illa membra possunt diuersis casibus vulnerata uim perpeti; & medici quandoque saluti opitulantes, hæc ibi faciunt, quæ horret aspectus. Obstetrix etiâ uirginis cuiusdam integritatem manu velut explorans, dum inspicit, perdidit. Et subdit, Non opinor quemquam tam stultè sapere, ut huic perijsse aliquid existimet etiam de ipsius corporis sanctitate: quamuis membri illius integritate iam perditâ. Ergo uirginitas non consistit in carnis incorruptione.

¶ 4. Præterea, Corruptio carnis maximè in seminis resolutione consistit, quæ potest fieri sine concubitu, vel in dormiendo, vel in vigilando. Sed sine concubitu non videtur perdi uirginitas. Dicit enim August. * in lib. de uirginit. quod virginalis integritas, & per piam continentiam ab omni concubitu immunitas, angelica portio est. Ergo uirginitas non consistit in carnis incorruptione.

SED contra est, quod August. in eodem libro dicit*, quod uirginitas est continentia, qua integritas carnis ipsi creatori animæ, & carnis uouetur, conseruatur, seruetur.

R E-

4. d. 33.

q. 3. a. 1.

c. d. 34.

q. 1. ar. 5.

ad 4. c.

d. 49. q. 5.

a. 3. q. 3.

co. c. ad

4. Et quod

li. 5. n. 24

ad 2. c.

quod 6. a.

18. co.

* Id hæc

bet Aug.

li. de uir

ginit. c.

13. in pr.

tom. 6.

li. 1. c. 18.

tom. 5.

li. 1. c. 18.

circa me.

tom. 5.

c. 13. in

pr. to. 6.

c. 8. in fi.

tom. 6.

RESPONDEO dicendum, quod nomen virgin-
tis à virore sumptum videtur. Et sicut illud dicitur
virens & in suo virore persistere, quod non est ex su-
perabundantia caloris adustione expertum: ita etiā
virginitas hoc importat, quod persona cui inest, im-
munis sit à concupiscentiæ adustione, quæ esse vide-
tur in consummatione maximæ delectationis corpo-
ralis, qualis est venereorum delectatio. Vnde * Am-
brosius dicit in libro de virginitate, quod castitas vir-
ginalis est expertus contagionis integritas. In delecta-
tione autem venereorum tria est considerare. Vnum

*In lib de
virg. in
2. fol. a
prin. lib.
10m. 1.*

quidem, quod est ex parte corporis, scilicet violatio
signaculi virginalis. Aliud autem est, in quo coniun-
gitur id quod est animæ, cum eo quod est corporis,
scilicet ipsa resolutio seminis delectationem sensibilem
causans. Tertium autem est solum ex parte animæ,
scilicet propositum perueniendi ad talem delectatio-
nem. In quibus tribus, id quod primò positum
est, per accidens se habet ad moralem actum, qui non
consideratur per se, nisi secundum ea, quæ sunt animæ.
Secundum verò materialiter se habet ad actum mora-
lem. Nam sensibiles passionēs sunt materia moralium
actuum. Tertium verò se habet formaliter & comple-
tiue: quia ratio moralium in eo quod est ratio, non
completur. Quia ergo virginitas dicitur per remo-
tionem prædictæ corruptionis, consequens est quod
integritas membri corporalis per acciēds se habeat ad
virginitatem. Ipsa autem immunitas à delectatione,
quæ consistit in seminis resolutione, se habet mate-
rialiter. Ipsum autem propositum perpetuo abstinē-
nendi à tali delectatione, se habet formaliter & com-
pletiue in virginitate.

Ad primum ergo dicendum, quod illa diffinitio
Augustini tangit quidem in recto id quod est formale
in virginitate. Nam per meditationem intelligitur
propositum rationis. Quod autem additur, perpetuo,
non sic intelligitur, quod oporteat virginem semper
actualem meditationem habere; sed quia hoc debet
in pro-

in proposito gerere, ut perpetuo in hoc perseue-
ret. Id vero quod est materiale, tangitur in obliquo,
cum dicitur, incorruptionis in carne corruptibili:
quod additur, ad ostendendam virginis difficul-
tatem. Nam si caro corrumpi non posset, non es-
set difficile perpetuam incorruptionis meditationem
habere.

Ad secundum dicendum, quod pudicitia est qui-
dem essentialiter in anima, materialiter autem in car-
ne; & similiter virginitas. Vnde August. * dicit in lib. *e 8 parū
a pr. 10.6*
de Virginit. quod licet virginitas in carne seruetur,
ac per hoc corporalis sit, tamen spiritalis est, quam
fouet, & seruat continentia pietatis.

Ad tertium dicendum, quod sicut dictum est *, in-
tegritas corporalis membri per accidens se habet ad *In 10. ar.*
virginitatem, in quantum scilicet per hoc, quod ex
proposito voluntatis abstinere quis a delectatione ve-
neria, remanet integritas in membro corporeo. Vn-
de si contingat quod per alium modum aliquo ca-
su, membri integritas corrumpatur, non magis præ-
iudicat virginitati, quam si corrumpatur manus,
aut pes.

Ad quartum dicendum, quod delectatio quæ est
ex seminis resolutione, dupliciter potest contingere.
Vno modo, ut procedat ex mentis proposito. Et sic
tollit virginitatem, siue fiat per concubitum, siue ab-
que concubitu. Facit autem mentionem Augustinus
* de concubitu, quia huiusmodi resolutio commu- *Ioco cit.
in arg.*
niter & naturaliter ex concubitu causatur. Alio mo-
do potest provenire præter propositum mentis, vel
in dormiendo, vel per violentiam illatam, cui mens
non consentit, quamvis caro delectationem experia-
tur: vel etiam ex infirmitate naturæ, ut patet in his
qui fluxum seminis patiuntur. Et sic non perditur vir-
ginitas, quia talis pollutio non accidit per impudici-
tiam, quam virginitas excludit.